

民國叢書

第二編

· 77

歷史·地理類

西北革命史徵稿

陝西革命先烈
褒恤委員會編

上海書店

8784

吳

西
北
華
南

圖書集成

卷一百一十五

陝西革命先烈褒恤委員會編

西北革命史徵稿

上卷

本書據1949年版影印

先生勛鑒三十三年

徵會

曾以所印西北革命史徵

初稿送覽並請閱後函示意見良以時往世移年逾一紀
整理放失其道彌艱明知脫漏舛謬之處必不在少至非
集衆廣思莫衷至是故請於檢閱時隨事指正函告簽定
俾得車行易稿期於至當嗣後共計接到來函三十四件
糾謬補缺實多定正除已依照來函逐一補入更是茲猶
恐尙有遺脫故一面廣徵諸先烈之碑銘行述及私家傳
記合併印存以資互證茲以歲月不居延引過久一面就
現已是正之本重行付印板本較前微爲精善計分上中
下三卷上卷爲記事 中卷爲傳記 下卷爲附錄所徵誌銘

及最近續輯者附入下卷茲再申敘前意仍請於閱覽時
見有記載舛誤與事實刺謬者卽祈隨時見教其或情節
較複一時不易筆舉者亦乞迅賜函告卽當派員而取節
略載筆從事總期無負已往之先烈不乖當日之史實俾
得衆情允洽永成信史然後更煩梓人刊爲定本不獨會
不負執筆之責已也茲附上重印西北革命史徵稿一
部共計上中下三冊卽請檢收示及爲禱專此並頌
公綏

陝西革命先烈褒卹委員會啓

三十八年二月

凡例

一、本書原名西北革命史以二十六年起着手徵集資料中經抗戰人事變遷所得稿件無幾其辛亥首事秦隴復漢軍之文件隻字無存討袁護法之役檔案均存督署直軍入關付之一炬靖國軍之役時間較長其大本營則在三原韓黃之戰成爲灰燼國民二軍之役中原旋師不持片紙以故執筆者羌無根據向非當年從事之人幾等於懸空虛造其所徵到之稿又多舛漏不完往往於一事之本末一人之出處輾轉函問幾經釐定故各先烈傳記有極似簡略者一再期待無法增補不得已於三十三年將既成之稿作三次分印三冊分別送致各方同人請予補正糾繆隨時交來以備輯成定稿其後次第收到來函是正者約三十餘起當即逐一補入但審視全文仍難成爲定稿竊念日月逾邁人事遷移故決就刻下更正之稿再行付印定名曰西北革命史徵稿以俟更有所得再圖鉛墨庶期永成定本

一、西北革命軍事蹟綿歷三十餘年中間包括西北革命歷次戰役方輿廣袤數省參與革命人士無慮千百今欲排比事實勒爲專書不惟具有史才史識史學之通才卒不易得即本事材料亦感缺乏茲刊僅就力所能及以存事實未可與一般著述者相提並論

一、書中於死事先烈概從立傳更能得其誌銘墓碑家傳者亦統爲編入藉資互證其

見在之人除敘事時見於文中既不別立專傳

一、三十年來西北革命人士捐軀實志於疆場者實不止於此數聞見有限搜訪未周其間漏列者應不在少當再從事訪求仍盼閱者如有所見隨時來函提示俾他日重印定本時可以補正

一、本書已經付印尙續有收到之稿如李壽亭樊亮丞李養泉程遠鵬茲一並附入下冊之末全書目錄已在印上冊時先經印出故各篇之目不及列入總目致成脫寫

一、本書共印成上中下三卷上卷爲記事之文中卷均爲傳記下卷爲附錄及諸先烈之墓誌碑銘並續得之文在焉

一、各革命戰役中殉職捐軀者有文職軍佐地方耆紳賓客之從軍者團隊人員於例均得備列其名且其中實多俊偉秀異之材惜乎所得甚少仍乞閱者有所聞知隨時見敘事關史實敬希無吝往復

一、本書徵稿以楊子廉先生費神最多其所徵到之稿亦最夥例得敘出

西北革命史徵稿序

褒卹會頃以文來言所爲西北革命史徵稿經十餘年之搜集纂著近始成書急思授梓而苦於經費之無着因備言採訪之艱難綴輯之曠日經時請爲籌撥印資庶免散失之虞不惟任其事者十餘年之辛勤不止虛擲而諸先烈之聲光浩氣與西北三十年來之革命史實亦將永賴以無墜余詳檢全秩則自辛亥以來西北首事諸公以暨數十年來革命之事跡與夫先後死事之國殤舉彌有遺焉雖其間文字之裁量繁簡事實之容有未備體例之或未盡合於史志然信則傳信疑則傳疑舉其所知以求其所不知要爲無害也余喜其條貫清晰一寓目而西北數十年之史實碩然可見因給以印刷之資俾早日付印成書想亦西北人士及有心我國革命史實者所共樂覩也余則猶以爲著錄史志不厭精詳他日若更得求諸故老網羅散失排比精審的然成一西北革命信史佈之通國藏之史窠則又余之所殷望也書既付印來請弁語因書此以誌之中華民國三十八年元月陝西省政府主席董釗識

西北革命史徵稿目次

敘言

目次

題詞

大事記

辛亥革命紀事

二次革命紀事

討袁護國之役紀事

靖國軍革命紀事

首都革命紀事

圍城紀事

先烈紀傳

西北革命史徵引用書目

西北革命官佐死事表

西北革命士兵陣亡表

西北革命在事有勞表

附錄 陝西革命先烈褒卹會經過及組織

題詞

追憶陝西靖國軍及圍城之役諸事凄然成詠十首

于右任

一

(中呂醉高歌) 關前春雨人歌塞上驚沙浪鎖勸君莫唱家山破太華遙開萬朵

二

(前調) 禹王廟上風高黃祖陵前樹老長途駐馬鄉人笑留得詩情畫稿

七年由禹門渡河至延安轉三原

三

(前調) 當年仗義登壇蒼隼騰單竟返雲屯牧野繁星爛西北天容照眼
成立總司令部編義師爲五路

四

(前調) 死傷誰覆戎衣飢饉翻憐戰壘文人血與勞民淚天下歌呼未已
弔于鶴九李春堂宋相臣樊鍾山惠有光諸先生

五

(前調) 幾章民治殘詩幾頁人豪戰史名儒名將兼名士時代光明創始
弔朱佛光李子遼胡笠生彭仲翔柏厚甫周定侯諸先生

六

(前調) 魂招東里心驚路入南仁月冷山河百戰人民病五丈原頭自省
南仁村爲非勿辜先生殉難處十一年夏岐鳳敗後予由甘肅南下

七

(前調) 貝加湖畔雲開烏拉山前凍解誓師大漠風雲待金鼓東征未改
由蘇聯至五原入陝

八

(前調) 名城高掛殘暉燕子猶尋故壘兵民負土墳前淚爭祭當年餓鬼
西安圍解後軍民二墳皆負土所成故名曰負土墳

九

(前調) 豐碑爲慕文豪凶歲難安父老秋風忽起咸陽道多少高墳蔓草
友人欲爲王陸一立碑予以年荒阻之

十

(前調) 自由之戰經年革命成功尙遠太平樂府人間遍呼喚中華運轉

著 論

中國國民革命之興起其成爲此時期之社會主要思潮與發動此革命之主要力量者南北地區各有其因素而共同三民主義建國及建設新世界之大道運在珠江流域省分值太平天國革命運動失敗之後流風墜烈影響於民間雖金田旗鼓已銷歇於頑梗之衣冠而嶺海東甌仍指點爲沉歎之傳說則帝國主義之侵略使人民生活陷於絕大之變革其由農村經濟破壞迫而遠涉海外者或則譁懸諸殖民地之殘虐或則憤慨於民主之治或則深察遠想知社會存伏之危機民生因窮鬥爭必起生產形式已至窮則必變之時凡此原因必將鍛鍊爲主張創造時勢

總理應選生所倡導之主義所決定之革命策略其爲歷史使命與地理環境之真實時代而不容疑者也至於黃河流域民族之意欲故國之眷瞻二百餘年來遺民孤忠長在天塹望山零雨以經術相傳授保赤行並研究水利農田倉儲鹽政諸學爲經世之用而不沾洩於當世功名北方之學所用精微翔實者蓋義理之辨深淵則真夏今日之山河非皇漢珠琛之舊今日之文物非先民締造之遺人民憔悴呻吟廢焉向盛勢已絕不可以久又自英法聯軍及八國聯軍進犯以來彼專制政府對外則失地喪師割願受命對內則騷頭壓迫絕人民之生機而成爲國家求自救自立之絕大障礙當是之時革命命之外無他途北方人民益發覺起矣雷霆奮發南北相應故其時雖主義之傳導未遇行動之紀律未一而咸知此事之不容已即亦各忠其所知各盡其所安各就一地方之力從事革命所謂先爲天下作驅除仁者見仁智者見智此亦革命必有之經歷也主義之推行與成就不非有此經過不爲功夫革命固爲一科學之事而當其爆發之初智力之不齊人事之不咸順未嘗深慮思計往往昏迷風動亂之能事以出之者甚反於科學條理者其實此種病毒衝突現象奮之既久宜反映社會內情之不安認舊現狀既毋須保持即大破壞不暇抉擇正革命所以必發生之故也在大破壞中隨而發現何者仍當保留何者且當建設之新條理然後革命行動與其力量乃漸屬於革命主義之所要求斯亦仍合於科學之觀察也革命發生後一切事應發展在不斷進步中亦不斷使革命之領導歸於充實革命爲無前例之事其遠略亦隨時勢而推移此革命大業中之甘苦人苟不欲倖炫天功固當黯黯回憶承認此事實也故中國革命發生並發展於若干不同之地區方法形式諸不盡同而惟主義之趨向有歷史之命定有時代之指示信仰無殊目的非起以卒底於成功之域故殊不能以方域之見只認革命之一巨流而混即發生革命之全面意義其形勢較細客觀條件較艱苦之他一地區凡事其之所能至皆其力之所已盡志士仁人之苦鬥犧牲尺寸寸天之殫精竭畫山川變隔風氣聖聞然成其爲革命策源地在影響革命運動中之效獻固固然長在也前事不忘所貴乎史無闕文抑一切不獲已之事實不可再之敘制不必要之殘傷不忍諱之闕憾以檢討革命事業之用心比事而屬辭知人而論世則知成毀之迹相需相應之效有以明作始之簡而將畢之巨造端乎一方而同功乎天下

今日去辛亥革命已三十年始敘此經過爲他日史事之徵故首當申言此項工作之意義夫關係國家民族之一大事與若干人生命心力之所注目辛亥而討袁護國護法尤以陝西靖國軍之展現爲西北革命同志乃至全北方革命同志死生患難之所經營以一隅之地當六省之兵歷五年之久岷嶓之山黃河之水百戰千戰萬人一八安可使光滅景絕顧大風晦里毅然說當時經制軍政建樹文物規模模稜然不以危迫在時艱爲辛苦之辭爲在今日星開創之誤則斯更不能不及時敘載也吾人固謂陝西爲中國西北乃至北方革命之策源地亦北方革命同志集獻心力之地遠應天南共荷神靈之使命事耳可徵又惟求信載錄之始謹述論云

